

Yizcouh: Angqhoh "Sam Nyied Sam", Sawcuengh Angj Da Vunz

宜州: 欢乐“三月三”, 最炫壮元素



Angqhoh Sam nyied sam.

Bineix “sam nyied sam”, Yizcouh Si gvaq ciet hoenghwdhwd, nauhyied dangqmaz. Youq gak aen gingdenj hung ndaw si caeuq gak aen cwnzgih cungj guh gak cungj minzsuz hozdung, miz gak cungj saujsu minzcuz conzdungj diyyuz doxdax, miz minzsuz ndawbiengz baijyienj, miz eu fwen doxdax, miz hawfwen “Go Liuz Sanhcej”, moix aen hozdung cungj ndeyawj dangqmaz.

Daengx si yanghcin, hagdangz, siciz danhvei, lajmbanj, segih daengj cungj baij byaujyienjdui daeuj camgya hozdung. Giz cei q daegbied de dwg, youq gak aen dieg hozdung haenx, gwnz ciengz cungj sij miz Sawcuengh, angj lwgda vunz dangqmaz. Gyoengqvunz raen Sawcuengh le cungj haenh naeuz: “Neix cij dwg “sam nyied sam” Bouxcuengh raeuz!”

(Vangz Ging/黄敬)



▲Diuq foux Bouxcuengh angq lailai.



▲Ngaiznaengj rangfwdfwd.



▲Fwencuengh daihdaih miz ciepban.

Gveigangj: Cietfwen “Sam Nyied Sam” Yinx Hek Sengjrog Daeuj Mbanj Youz

贵港: “三月三”歌节引来外省游客



▲Mungzgunggh Minzcunggh hagseng byaujyienj (Angqvangz Mbanjcuengh).

Bineix cietfwen “sam nyied sam” Bouxcuengh, Gveigangj Si Cinzdangz Gih Mungzgunggh Yangh youq Sinhlingj Cunh Mbanjsinhgvei gawjbanh “Lingzgi Bauj-sanh Daegsaek Lijyouz Mingzcunh Sam Nyied Sam” hozdung, angqhoh ngoenz-ciet. Ngoenzde, miz hekyouz daj Gvangjdungh, Hoznanz daengj swngj daeuj haenx caeuq gij ginzcung Gveigangj Si giz gyawj yanghcin daeuj haenx gungh cien lai vunz doxcomz youq giz ndeu, angqhoh cietfwen “sam nyied sam” Bouxcuengh.

Aen angqhoh hozdung daj eu fwencouxhek Bouxcuengh caeuq bau aendomq deihnyaennyaen hainduj, doengh

bouxheiq daenj buh moq vaq moq, riengz sing yinhyoz, doq eu fwen doq diuqfoux, angqcoux doenghboux hek daeuj youz. Ciepdwk, ciengq go, diuq foux minzcuz, diuq fouxsaux, eu fwen, doiq fwen, gangj siengswnggh daengj hauilai aen cezmuaz laebdaeb hwnj daiz byaujyienj. Boux diuqfoux din mbaeu fwngz unq, boux eu fwen sing wenqneuneu. Daengx aen daizheiq ndeyawj raixcaix, nauhyied dangqmaz. Doengh boux yawjngonz mboujdanh lwgda ndaej yawj baez gaeuq ndeu, caemhcaiq ndawsim ndawhoz cungj ndaej yiengjsouh baez gaeuq ndeu. Caezgya cungj yaengx lwgfwngzmeh haenh naeuz, gij hozdung neix, yienh'ok gij fungcingz fungsug caeuq swnghdai vwnzva vahdoj naekna Bouxcuengh raeuz, ndeyawj lai raeuh.

Mungzgunggh Yangh gawjbanh baez hozdung cietfwen “sam nyied sam” Bouxcuengh neix, yienh'ok le doenghgij minzcuz fungcingz Bouxcuengh, hungz-yangz doenghgij cingsaenz ndiepgyaez mbanjranz, ndiepgyaez minzcuz, ndiepgyaez swngghoz, doxgiet doxhuz, haenq-rengz baenaj, hawj gyoengq beixnuengx Bouxcuengh gag roxnyinh miznaj, gag roxnyinh ndaej najsug, coicaenh guhbaenz aen fwnveiz ndei swnjcienz minzcuz vwnzva ndeu.

(Huz Bangjhangz/胡榜航)



▲Doengh bouxyawj mbouj lau ndithaeng, yawj byaujyienj ndaej haeujsim lili.



▲Sai mbwk doiqfwen ndeyawj dangqmaz.